

彛

壽

軒

詩

鈔

葬壽軒詩鈔卷六

錢唐 張應昌 仲甫

丁未

次白移居薦橋扇樊榭山房移居詩韻四律見示屬和
老來恰似日之餘先送心歸極樂居自愛寶池花種種何須
塵界屋渠渠禪語耽坐惟容膝市曲逃喧便結廬况又山莊
梅竹好洞天別有武陵漁

新居榜曰市曲茅堂君台別墅在西溪曰梅竹山莊

秋雪春風興欲顛蘆中竹外坐臞仙
得求朝夕晏嬰宅乘興往來王子船
結習銷除隨境愜言詮刊落廢書眠
橋東喜有糟邱築日日提壺費酒錢

深巷無人闢徑斜不筇屨腳健堪誇
湖山近傍頻移步圓月閒鋤自種花
句和岐亭仁物意堂瞻榴字讀書家
酒酣猶有

飛揚態默坐聽君毋戰譁

結隣伊邇足音聞微我詩篇其策勳少有苟完思孔語地偏
心遠憶陶云桑榆側景都催晚猿鳥空山自樂羣吾亦故廬
添小鑪焚香斗室惜陰分

庭花損悴句以惜之

好花偶被雨風欺悔煞從前少護持病葉精神還剩幾深情
愛惜已嫌遲豈因晚節甘憔悴翻使東皇費轉移花若有知
應諒我金鈴繫上半枯枝

秋日居雙樹樓得八絕句

雲容黯黯樹龐龐宿鳥驚呼曙色中漸閃淡黃楊柳色樓東
堆起曉霞紅

倦便安眠覺便興披衣起剔讀書燈深宵籟靜吟誰和四壁

蟲聲細細磨

羅雲壁月杳無形涼雨兼旬浙瀝零燈影幢幢簾影黑秋聲
那更小樓聽

絳幘丹翎一院秋輕容小豔也風流愛他小鳥隨風墮踏動
疎枝颭不休

喜見樓西月一規相逢已是早秋時拓開五色窗雲母特見
姮娥異樣姿

三更月小碧天高楊柳無風靜不搖人在冰壺晶域裏道書
閒讀意飄蕭

曉來白霧障靑林一幅倪迂畫意深遙想段家橋畔景滿湖
煙水更沈沈

我懶登高不出行重陽孤負十分晴悠然亦有南山見日日

樓頭望月明

秋晚澹巖招集冬青書屋

秋水堂前今又到菊蓉屏幃豆瓜檐雜花小院留人駐斗室
精蔬選客嚴清秘雲林窺縹帙玲瓏海鳥語紅簾結隣已悔
違前願孔座芳樽肯不添

冬初放舟苕上壘前韻

放船秋晚冬初日滿鬢黃花插帽簷紅葉碧雲春爛漫白波
青嶂畫精嚴觀霞山色窗橫黛翻日瀾紋岸織簾旣雨還晴
歸興好野茅溪路漲痕添

南隣榆樹髡後復萌冀其漸茂句以祝之

南隣雙樹愛交柯卅載芳陰惜自他高起層樓延秀爽弱摧
一个欺婆娑隔年喜見生稊柳搖月欣牽補屋蘿枯苑從來

相倚伏庭階佇望綠雲多

見山閣對雪

深院鳥聲寂小樓雲氣重墨天渲畫稿粉雪淡林容坐對孤
山面遙憐獨釣蹤故人曾來訪應笑我疎慵

小除日訪蓮衣上人靈芝寺和金子翰

城韻

偏到殘年逸興騰衝寒訪戴我猶能相逢雪霽羣山玉獨嘯
禪安丈室僧香積精蔬忘市味明窗清供抱壺冰冷閒難得
同心侶物外湖天檻共憑

戊申

宿菰城學宮東隅舊屋

先大夫舊居今歸希齋諸姪

城東泮宮側先人此卜廬卜廬希孟氏愛近聖人居

先大夫題榜曰

景孟堂取孟母擇隣之義

憶昔趨庭日靜寄開軒疏

書齋日前隣響機杼

後圃園桑株舍南與舍北琅琅爭讀書雅化傍庠序馨風被
庭除於今三十年醅朴不改初屋主雖再易宗枝幸依於濟
濟吾諸阮五株丹桂敷已見采芹藻懷才盡璫璵壘篴自唱
和脊鴿相持扶孔懷美既翕和樂眞祥符豈惟韞珠玉經訓
勤畝畝吾每來舊宇樂數晨與哺機聲燈影雜棣萼荆花腴
努力勗明德佳氣看充閭

葉東卿封翁

志銳

赴粵過杭喜晤奉贈

眉山父子擅文豪王謝門庭駟馬高蔗境更饒胸澹蕩松姿
未覺鬢刁騷研覃金石精神固瞻望寶山魂夢勞文字漢秦
儲印藪早傳鴻跡到吾曹

君蓄漢印極富欲製印譜

初夏登韜光次題壁韻

清潤雨餘天新篁翠交玉十年筋力弛自扶瘦筇獨日氣蒸

晴江泉聲咽幽谷披圖古人多春山依舊綠

昔同遊者青農丈小米彥甫子

乘松如俱歸道山

和作

丹徒鄒衍泰魯詹

高峰居上頭塢隱如韞玉降塢盡分明妙畫天使獨我生
涉憂患平地成川谷一夜此山中夢魂隨處綠

題瑛夢禪先生韞光觀海圖卷用劉文清公韻

翰墨江山有勝緣翩翩公子意翛然韞光閨妙皆名理奧曠

雙如月印川

圖中有闕妙齋印

潮生日上對樓頭今古詩篇畫卷留乾墨濃皴黃子久海山
全向尺縑收

浙水前盟與後盟宰官子弟證三生文清文靖神仙眷今日

增題眼倍明

卷中有燕庭方伯新題按永文靖公撫浙之後伊小尹太守湯安繼蓮龕方伯月相繼官浙均

留題卷中今燕庭方伯又與
文清後先輝映方伯名寓海

不至靈峰十餘年矣初夏過訪拓宇煥然故人久逝今

寺主墨公又不遇悵然有作

一別龐居士光陰廿載馳

故友吳居士
但化廿年矣

後生成老子古剎煥

新碑不聽生公法誰醒

濁世癡拈花參未得滿壁但花枝顛

上人
寫生

十月二十日由靈芝寺至南山看紅葉和金子翰韻

浮碧軒前綺翠浮

寺中
軒名

山南更入畫屏幽日斜人影隨橋岸

飯後鐘聲出寺樓未學

五禪慚淨侶

時次白安伯諸君
佛社南屏招余未到

且

蠲百惱作清游最憐暮紫疎煙裏歸鴈呶啞盪水柔

原作

金城

翠屏寒色澹煙浮蘆岸楓林一帶幽瑪瑙天開新畫本丹

青人倚夕陽樓聊停短棹尋真趣試酌匏尊作蓬游
映波橋下路鐘聲清緩鶻聲柔

二十一日偕蓮公子翰游理安寺復至韜光一宿曉起
看日出下山游各僧舍而歸得六言十二絕句

湖印朝霞成綺山破寒煙露尖一幅淡青濃紫藕花顏色輕
縑

敲扉老僧雲出踏徑幽草露溥南屏碧空翠窈引人步入重
巒

策筇九溪九曲冬嶺萬木翠腴雲起峰頂片玉露結茶林萬
珠

竹裏苔茵冒綠松顛日色霏青無風拓三面隔指石讀四壁
經

簞嶺穿簞千个龍井跨龍百盤最愛天然奇麗層層石翠楓
丹

集慶寺前葉落滿村鴨腳飛黃洗耳飛來峰下風林巖瀑琅
琅

一徑磴盤秋隼萬竹鱗舞綠龍不信曉來霜重豔陽新翠春
濃

窗納夕陽紅樹樓觀滄海白雲禪詒雲樹皆定夢覺霜鐘忽
聞

山扉際曉窗白開窗五更月明靜籟蕭蕭瑟瑟泉聲誤疑樹
聲

日出層樓更上踐鳥已躍峰間青輪盪摩金鏡想是須彌大
山

登高興引未厭探勝意留有餘踏葉下蒼雲路幾回緩步歸

到處幽篁小築逢僧臙穀烹茶讀畫每懷故老棲雲何日山

家

松蘿山房有棲雲軒
三篆字榜趙仲穆書

西溪看蘆花至秋雪庵暮過交蘆庵

初冬西風作寒蘆已吹老我懶入山遲秋雪花尙好勝侶去

不逢扁舟閒獨掉晴谿采蘆人蘆中長醉倒翦取聲蕭蕭餘

花猶玉繞彎環入深處四歧白界道道窮行可通觀以青山

笏夕陽忽來閃赭黃變畫稿閒尋古禪居招隱棲浩渺彈指

樓未現度生碑可考

秋雪庵彈指樓久圯新葺
平屋數間有舊放生碑存

水濶魚其樂

院靜鶴除惱歎我三度至自壯及衰槁若憶蒼霞淵田居寫

秋杳

余慕西溪田居乞錢
求美戴醇士作二圖

畫圖久已塵凡俗未能了清福告

來難孤恨解者少輸與足穀僧各藍河漸遠

河指名藍交蘆庵額不必

交蘆蓼自將落花掃

交蘆之義見佛經

轉棹秋瑟瑟幽夢結蘋蓼

小除日偕子翰至靈芝寺餞歲壘去年韻

濁界塵紅十丈騰栖心物外企南能閒看斜日西風界尙慕

深山破衲僧雪意山嵐吹霧淞春痕湖水動奩冰十年驚我

霜盈鬢又向攬雲樓外憑

戊戌同人餞歲於朱彥甫長豐山館

已酉

六十生辰自述六十韻

蒲柳嗟吾質凋零早望秋膏育心疾痼少壯歲華流門戟春

暉鹿羈經世德求

椿翁開幕府萊子戲庭幽北轍還南轍

山陬又海陬堙篲懷舊侶哀樂感浮漚

兄同甫公早逝

顧影休文瘦

窮途阮籍愁空摩丹鳳闕早傲黑貂裘書不能三上材惟稱

四休未須誇薦鶚聊免誚冠猴

五度計借雨入秋關備取骨左掖未獲銓除皆以病也

相安寒峻山川負壯游隄楊青驛路臺芍麗

皇州絳霧飛車蓋黃金絡馬頭鳬趨摩轂輻雛唱謁公侯書
刺懷中滅綈袍閣下樞亡羊歧路誤夢鹿野人羞花樣訛鍼
芥醫籠採勃搜詩篇鳴悒怏快文字賜雕鏤一第難攀弋三生
莫報酬江都人渺渺婆嶺思悠悠

辛未禮闈見斥本房婆嶺編修董篠槎師賞五經藝

傳觀力薦僅予膺錄師爲代刻五疊寄詩見懷

歸燕啼猿候殘杯冷炙謀

帝堯書有典臣瓚職恭修鳳紙傳鈔錄

螭坳待校讎小臣慚碧鏤

大資捧黃紬適館叨精祿園橋拜

冕旒縹緗家學拙雨露

國恩優

癸未二月館膳錄恭繕

臨雍隨內閣接

駕十月傳充

實錄

一等識叙申書本班先用並賞
銀三十兩大級三卷江細三卷
超鯉門閭倚翩離柳杞投

深幸束帛賞獨抱采薪憂
所惜隨陽雁還如控地鳩
五都空

入市千里笑馳郵圓嶠方
壺島金芝玉草洲西山螺
子黛

左掖虎門旂懷古經燕趙
驅車過魯鄒岱峰凌日月
闕里鬱

松楸勝地難投足盲人未
放眸徒嘲埋蠹紙自悔縛
鷹韉風

木驚心墨霜絲滿鬢稠鳳
池甘我奪鵬路看人由萁
菜東吳

市桃花西塞舟釣徒尋故
里農事服先疇山閣青堆
案家有見出

問湖波綠瀉油飯鐘隨佛
社村笛唱漁謳簋集曾圖
李汪氏東軒

吟社圖費曉樓繪余列馮
杯銜並學劉小侯千卷擁
皓首一經搜春秋屬辭辨例

初編椎髻蓬頭伴煎茶鼓
枹儔僮常攜柳栗妾亦解
篋後清

福元坤各虛泡世界浮悲
俄來卜夏明欲喪離婁大
樹虹梁

折孤根碩果留心傷榆景
晚眼望竹孫抽長子興歲天次見與厚尚未得孫

歸老三間屋題名雙樹樓祿祠憑鷺鳥廬舍守蠅牛居今復
歸毫東軒勝地重築起樓顏曰雙樹以猶記親憐愛常憂
面隣繼二株且寓補苴庭階雙幹之意體弱柔志教安燕雀命恐比蜉蝣蘭兆於庚降梅開已甲周
就荒存菊徑安老卧林邱法喜皈依鵲天游浩蕩陽光陰真
可惜修省俾無訖蛛莫穿迷網蛭須用戒鈎斜陽歌夕矣休
學少年偷

琅圃病中見懷一律次韻奉答

我是釣徒裔不知平子愁煙波茗雪渺風雨笠蓑游心冷聞
雞逸情移夢蝶周病身憑竹杖泛宅任扁舟

原作

胡珵

見說張平子閒居善賦愁逍遙仍健步山水愛清游一笑
髡同白知君甲巳周皋亭花欲發相約更拏舟

輓陸圓御丈

賤子識面時丈人年六十今我到此年君始顏景急大耋且
勿嗟厚福罕可及藟藟本根深芝蘭庭階裏書蹟松雪亞詩
境香山揖愛酒樽不空春秋數雅集同儕少壯人豪情讓鯨
吸相從二十年煙霞聯屐笠匪獨葭莩倚所愛波鏡挹晚歲
慟西河與我同嗚咽冰清偕玉潤其燃連豆泣賤子秋心傷
丈人衫淚濕從茲強歡笑彼此意結澀何期喬木姿忽如朝
露浥松柏俄蕭蕭蒲柳彌岌岌酒社耆英徂羅帷飄風入又
逢襖遊時愴吟舊篇什

四月十六日借澹巖小垞子翰蓮衣游葛嶺二首

最是清和雨乍晴高岡試陟衿衣輕臺觀滄海銀濤瀾湖作
方流玉水明大斧劈成丹石壁小庵圍入綠陰城欲尋南渡

琳宮蹟蘿月松泉冷佛檠

赤壁庵

雲峰仙井舊游曾攀葛扶筇老尙能北苑丹青開畫障上清
宮殿起觚棱青山遠遠窗全納斜日荒荒檻其憑地邇城闌
游囑便尋秋結夏佇吟朋

寶雲院

二十五日續遊雲居山外麓山房清平山拂塵庵和小

垞滕字韻

南峰不厭再三登勝侶常聯四五朋遊到白頭仍未倦詩從
閒筆又新增塵揮頓使根塵息鐘定能銷口說滕湖鉢雲離
都絕勝只餘盛夏熱堪憎

金湖作孟鉢白雲爲藩
離外麓山房舊聯也

雲居寺芝桂堂和壁間詩韻

何必鳳山壯何必龍山深緩步登城南幽曠清人心無殿佛
旁坐無酒茶代斟明湖作孟鉢白雲生衣襟大厦如敞屣中

峰真禪林舊墨煙雲銷况乃壁上吟

中峰禪師遺履墨寶及雲巢上人和壁詩箋並

皆羽化

事往增感歎舊盟何堪尋故侶半泉壤素交懷蘭金

同游者陸圓洲丈朱彥甫夏松如皆化去

更念屠

琴與胡伯秋同異參苔岑塵根且

拂去

寺隣拂塵庵昔爲二君讀書處

冥聽梵唄音

清平山拂塵庵訪屠琴陽太守

傳

胡秋白同年

元鼎讀

書處

我昔弱冠秋風裏雲路相逢識胡子把酒論文雜嘲謔花落
霏霏粲舌齒屠侯早作蓬萊仙詩虎文雄樹旗壘吾兄座上
樽中豪小子敢持鞭與弭二仲招邀三徑開散葉搏沙合離
幾耳熟當年讀書處城南尺五山房是其時我猶五尺童恨
不擔簦侍案几每瞻雲麓望清平廢書三歎與自鄙雪鴻稻
雁各異跡坐看兩公投筆起經爲吏術課游民學作儒師迪

多士家知鑿織戶絃歌都以詩書爲率履過眼風燈四十年
一朝千古萬事已州門慟哭五馬去舊燕堂前向誰徙龍鍾
廣文宮獨冷臥病雲山隔尺咫今亦零落同山邱歎息人琴
並亡矣相識尙有一參軍久別天涯絕雙鯉慶源山樓重
起響魚頃吟社無人執牛耳言訪遺蹤陟幽徑茂林芳草冷
蘅芷一株古樸留牆陰道是詩人曾徙倚吾老不學慚故人
空踏雲峰觀海水

同作

高學沅

屠侯讀書歲辛酉峰頂誅茆聯五友快從城市闢山林圖
畫之興良不朽朱開泉王竭來始作清平遊風氣如蒸滴
窗牖憶昔綠陰春夏交小閣一編常在手有時飛雨散炎
鬱拂拂輕颺滿林藪有時皓月洗素秋指點疎星逗槐柳

六時梵唄禮空王四壁蟲聲弔歐九舊交零落五十年
有參軍印懸肘坐中何處得佳士修竹檀栾環左右
僧寮吟課久閑寂幾几熏鑪百無有簷前老樸閱滄桑
獨立蒼茫誰與偶猶分枝葉陰暘者對樹哦詩記某某
縱譚未豎欂拂子撲去俗塵已三斗出門瞥見大江橫
風擁雲濤日西走

雨花庵和小垞韻

在城內
賽西湖

昔年精築傍湖隈幾歷桑田失濬開
覓徑曲穿深巷去開門平步小橋來
漫云天女霏香屑曾有詩人坐綠苔
幽院不須緣客掃談經別業有蘭臺

雨後約小垞子翰吳山步月壘前韻

尋秋待上瑞峰隈絃管吹雲火速開
正喜巖飄香粟滿爭看

月湧雪濤來得閒且其招紅友過雨還期踏翠苔莫管陰晴
圓缺事要傾江水築糟臺

女孫荃子歸句以命之並以志感

亡兒廉之女

弱息嗟無怙當年劇愛憐漸知操井臼粗解讀書篇忽抱孤
星恨難憑入字全年命五行皆備故小名全伶俜雛傍母缺少弟隨肩今
日天桃賦亡親宿草芊歡承偕半子情慰想重泉寂寂愁余
老諄諄望爾賢于歸家室遂敬戒莫忘愆

庚戌

余蒐集

先大父榮祿公

伯父廉訪公

府君倉場

公

先兄同甫公之詩草手稟爲勤教堂詩墨一冊又

集

伯父

府君

先叔父侍讀公

同甫兄之駢散

雜文及試帖詩手稟爲清河詞翰四冊皆零綠片楮也

裝成敬誌一律

墨彩如新紙斷殘飄零容易網羅難鳳樓豔說韓門造鴻迹
珍同范硯看片楮已堪窺霧隱九霄何必盡風搏董帷膏晷
都勤苦華

國文華莫瘦寒

余又蒐集穆鶴舫師蔣礪堂師董篠槎師魏春松師汪
質谿師所賜手札裝爲辦香寶墨冊敬誌一律

構材驚質愧無奇大匠方臬設顧之一第尋常難報稱三生
文字感相知悔攻曲學眞何用欲讀藏書恨已遲老去侯芭
塵往事受恩深處鏤心脾

暮春遊南山作

南屏

春晚秀野綠春陰湖波明迤邐南山南身擁翡翠屏花繁豆
遲結風來麥傳馨災後香市寂閒閒山水清

石屋洞

路旁屋軒然每過停車屢浮螺古洞堙乘鶴昔人去佛相古

賢名遲敗蒙泥污何況宛委藏空題著書處

洞底題曰滄海浮螺屋中刻千

佛像有宋賢題名有石樓吾友曹君題曰曹葛民著書處嘉慶初雪庵上人駐此

理安

舍車步幽谷林巖翠紅繞過雨溪舌長采春茶心老高閣靜

松籟濃華吐瑤島遺墨三百年宗風期遠紹

寺藏祖師遺訓卷子二

水樂洞

冒雨探洞壑水樂滿清聽建瓴萬竅鳴動操巖山應鏗笥韻

琴筑駢闐雜鐘磬如聞微妙音寶樹羅網勝

初夏續遊

雲棲塢

窩雲深塢裏萬竹綠圍城碧玉解新籥金衣飛亂鶯羊牛皆自在鐘鼓總無情五十年緇素驚心幾度更

五雲山

攬身羣嶂外極目大江頭足底千章木門前三折流越山紅夕照海舶點浮鷗暮鵲歸蘭若翩如鳥下投

六和塔

巍然江國鎮小劫起融風大海明燈暗回峰古貌同猶堪身絕頂已失柱擎中世界煙雲幻前遊感鬢蓬

定慧寺

綠陰穿窈曲飛瀑瀉高澄翡翠千林葉龍蛇十丈藤泉香茶

鼎沸魚樂石欄憑倚拂山樓榻來諮打坐僧

飛來峰觀瀑卽歌

翠嶺不生春山靜一塵不動春泉冷忽然傾瀉天河來潮鳴
谷應轟如雷飛白分行掛巖罅萬竅吹唾珠玉下曲穿洞壑
走石堰怒馬奔蹏峻峻坂激激浪花二尺高山搖疑起潛山
蛟細竇繼湍更無歇層疊雪漚捲穀霧亭前觀瀑如觀濤師
子震吼龍象號但聞濤聲不聞雨耳聾對面隔人語山樓奇
賞真快哉况有玉鮓蒲桃醅萬綠叢中一條白渲染樽酒鵝
兒色坐間畫聖推荆關浮白試請圖廬山醉餘客去雨亦止
紆步林塘暄未已薄暮歸棲寺廬深一夜春枕風濤音

登蓮花峰頂

純陽洞口徑蜿蜒靈鷲峰頭萬朵蓮劫後浮圖存古貌畫中

墨嶽拍吟肩精魂淪滅三生石題碣模糊一幾天更約秋高
西爽挹飽看紅葉翠微巔

道光庚戌四月二十日偕吳我鵬所步出雲林之西訪
普圓院故址僅存白衲石筍二庵皆非其舊覓碑碣亦
不得爲之悵然二十二日自雲林歸是日適有陳丈端
甫自越中來手攜山舟先生書冊覓售展視則乾隆四
十五年方伯國棟公重修普圓院碑記而先生所書墨
蹟也驚喜歎異不先不後遇合之巧如是佛氏所謂因
緣豈不信乎因與我鵬合貲購裝之奉藏山中留爲故
事俾後來有所攷焉司喜也賡之以詩

探幽西澗西雙流夾花徑巖壑深秀潛竹木華姿孕名山此
與區特踞靈竺勝地偏展齒稀芳草被蘿磴六朝法席起南

渡琳宮互

熙代閣樓臺六巡

鑾輅盛于今歲周甲黼垣嗟墮頤院有朱門存臺缺石闌凭
白衲非舊庵青峰半危墮海日冷荒樓林風寂禪磬披榛覓
苔碣承柱無玉石猶有一老僧話舊能指證歸然獨石筍十
丈照淠淠二泉蒙葛蔓兮絕隔清聽勝地藝奪晚寒煙山水
剩歎息下山去雲陰村吟興歸來結幽夢因緣得奇應偶逢
遠寶來手攜妙墨贖乃是普圓碑到眼雙眸瑩當年方伯公
管領搜奇罄書聖老侍講顏柳筋骨凝記臚

南巡事文補西湖

乾隆末續刊西
湖志無此文

了了締構形高下互峰

巖菌植而舫繫讀之心神醒

苗而植舫而繫碑文
中語狀締構之形也

不見舊池

臺見此意稍稍萬惠會逢適三生教有定一朝珠還浦百里

玉走脰驅使有山靈呵護徵佛伎鬱陶變喜樂秘寶獲崑鄧
驚此彤管貽永爲青山贈佳話名藍傳良緣里歌謠更招棲
遁朋尋秋鼓逸興

雲林寺早起

百聲晨鐘歇百種春鳥鳴高樓眺蒼靄朝次山雲生披衣不
忍臥急步門前亭山池半不見白煙池上橫沸耳走泉瀑隔
夜無停聲偶有樵薪人蚤起荷畝行此境清靜極便含世外
情

登北高峰大觀亭

放眼凌霄果大觀崑嶺千丈路千盤東臨滄海江湖小西顧
餘杭嶺嶂寬保叔塔痕針樣似法華巖塢霧中看翠華過後
樓臺見惟有雙峰秀鶴嶠

題陳初庵近詩

誦君衰鬢寫愁篇目寓心傷我亦然老淚西河悲一箇良辰

寡女病同憐

君喪子又喪女余亡長子女又早寡

幸能作達酣杯酒且學頑癡

行歲年窮不須愁愁速朽好詩數卷要謀傳

外孫吳同堦游泮贈句誌慰

余止一女適吳語鄉茂才兩載而寡幸有此孫今亦

既抱子又能讀父書可喜也

猶憶青衿坦腹賓枉誇玉潤電光身未騰虎氣延明席忽聽

鴟音泮水濱

亡壻孫氏未幾而病作

燈影廿年同續母儒冠今日讀書

人孤兒勵志成佳士好續箕裘顯二親

雙樹樓十二詠

春樹鳴禽

鄰樾六七株春來發新綠上有好鳥鳴相和聲相續

夏牖曉風

窗南動高柳屋角生微涼挹晨氣清快哉披襟當

秋帷明月

清暉滿高樓牀前伴明月四鄰悄無言但聞蟲唧唧

冬山殘雪

西窗到遠岫葛嶺如橫雲吟殘斷橋雪遙想騎驢人

東市曉聲

深巷乃孔道豈惟賣花聲車馬與負擔小人近市情

南鄰雙槩

榆柳兩家春濃青到屏牖讀書綠陰中鬚眉皆古壽

西樓夕照

萬變海山圖錦雲赤魚尾恍憶煙波鄉弄櫂斜陽裏

北城煙樹

春樹萬人家輕煙橫北郭恨淺一層檐未窮遠山目

佛閣朝瞰

朱霞升東隅紅日到西幌無量光明生無障心性朗

書城曲堞

曲折築書城高下列萬卷懶窩與小閣一編任遮眼

窗中一塔

一塔出林杪卓筆几案間助我生花夢茗穎發秀妍

屋角雙峰

樓角短垣罅恰見雙高峰莫嗤斗大屋雲山在此中

初冬小垞招同蓮衣子翰泛湖看紅葉諸君有作余未
暇繼聲也逾月婁江李翁松溪來西泠蓮公乞繪卷子

以誌游蹟寫成索逋率爾補句

清霜戒微寒冬始如春煥畫圖開丹青溪巒絢黃綠山南綺
麗屏煙水繚而曲繁林紅于花遙山青若沐雕繡雖滿眼娟
秀乃不縛扁舟入畫裏閒鷗結僧俗一株出橋外灼灼然澗
谷曉湖清鏡中翛然忘塵濁展圖憶同游了了今在目慚愧
巴人詞詩逋催火速

補齒戲作

當塗闔扇失外戶苦不閉開關逃秦客揖盜來巽二撒藩嗟
羊亡脫輓歎興敝妙手女媧術補闕仍雁次雖無噬肺能堪
資列戟衛人身本逆旅骨肉皆附麗苟得完形表何妨任浮
寄一笑過屠門得肉莫快意大嚼吾豈敢飽瓜爾且繫

臘月十三日暮自唐嶺歸白楊村

平原忽徑轉紆入修蛇脊
隕途三五樵淺磴千百級
夾塢兩山中遠峰青補隙
青裏一條白深巖未消雪

路出七十峰平野月色皎
不用燈火攜曲曲林腔遠
嚴冬夜不寒黃昏人已悄
睡起開門看霜竹皆鬢皓

林文忠公輓詞

名臣身共

國安危身謫身亡並繫之
縱寇追懷忠嗣貶渡河恨
阻汝霖師滿襟自灑英雄
淚踵武誰堪大將旗劫厄
蒼生同一哭思公豈獨治
平時

是憲爭推文武才孔明景
略意恢恢籌災一疏吳民
泣庇廈千間儉府開美謚
歐蘇輝史乘新祠楚越薦
樽壘深爲四海千秋惜非
僅蘭父自寫哀

同作

錢唐吳振械仲耘

事過清議在身退

嗣皇知疏薦名逾重軍興病敢辭

灰釘徵驛舍牲醴重鄉祠烽燧何時息翻愁報答遲

雲龍逐蹤跡往往在西南詞翰憑人乞風波變色談死忠
臣願慰繼業後人堪美謚褒榮極平生信不慚

雪後見庭梅初著花

向陽花木受春多孕滿庭南珊玉柯籬角一枝修竹倚黃昏
綈袂奈寒何

咸豐辛亥

四獨吟

獨臥

鄉晦諸緣息澄心百體安亂時因可欲忍過亦生歡深省晨

鐘聽奇娛夜卷攤秦然衾不愧無夢到邯鄲

獨吟

登壇吾未敢寤寐且歌言儘許年秋竟無勞擊鉢喧山中雲
自悅驅背雪初翻妙語天然拾斜陽流水村

獨遊

俊侶知音少清遊解事希自攜青簪笠閒叩白雲扉蕭寺停
春騎寒江坐釣磯去來幽興愜累日或忘歸

獨酌

載歌載側弁自昔笑賓筵罵坐傷騰口銜杯樂避賢邀來明
月影下以好書篇醉醒忘人世悠哉太白仙

萬壯節公寶刀歌

公諱雲飛總兵東浙道光辛丑殉定海賊夷之難贈卹入祀昭忠祠並予

建專祠遺寶刀二藏祠中各

鐫二字一曰昭勇一曰成忠

一點雪無痕取攜不用擎羅袖挹注頻教倒玉盆正是新年
鳥聲勸欣然提去到山村

彝壽軒詩鈔卷七

錢唐 張應昌 仲甫

壬子

讀南北史

愛親何子平無心享白粲思親朱百年綿溫動悽惋薄夫不敦古暗侮股掌玩錦綢衣食安糲鋤德色歎

賀若弼

大將才俯視楊素

韓素

韓素

將兵將將殊運籌淮陰

似暴虎吾與哉霸上兒戲耳大將誠難求謀將斯可矣

魏代有穢史恩怨雜汚垢升天與入地上下易其手率爾操觚者等此覆醬瓿後世修飾之簡牘散已久

梁有甄參軍臨財不苟得束苧還兼金斯民三代直思義不傷廉鄉國傳美德阿衡一介心無愧帝知特

身外復何須裴

明柳

世語可服車澤人必瘁何事苦聚蓄紫

標與黃榜生活笑阿六金谷能幾時適意在知足

比鴨詆元胄呼驢罵王奐麾客數

張

移牀見賓顯

蕭子

舉扇

子夏與子張廣狹量誠判不容又不拒毋乃中寡斷

過儉王光祿酒但兩盤辦過奢劉僕射食必十人饌輦輿傳

糲肴屏風挂薑蒜均非適意人豈獨類狂狷

家道由婦人崔休至言信所見六朝事多逆而少順關雎擇

好迷風詩貴淑慎牝雞致家索古書有暮訓

妬乃婦之常甚矣劉宋世辭婚江敦表載筆虞通記如觀閭

羅獄千古大異事賜死誅袁妻快哉旨自帝

吾愛兩陶君葛天無懷民夫耕妻亦耨酒漉頭上巾茯苓

食餌種松成龍鱗素琴與玉笙逸響流千春

秋日湖上

恒暘湖水涵千頃，葦成雲沙背閒漁艇。波心立鷺羣淒涼游
舫絕寂寞野，花薰怨煞芙蓉浦。誰憐錦繡紛

癸丑

暮春之初客游鑑曲

良辰癸丑暮春逢，恰向山陰繫客篷。依舊嶺山林竹好，如何
觴詠筦絃空。朝來滿郭煙巒白，雨過斜陽野水紅。一曲鑑湖
居可卜，可能棲遁作田翁。

秋日度荆山嶺入餘杭閑林道中

春風曳杖又秋風，依舊西溪景物融。山擁幾堆晴絮下，人行
千頃綠雲中。柔桑陰繞菰蒲路，白板扉藏禾黍叢。從此扁舟
來往熟，形骸寄託意何窮。

病榻

侵依病榻費支持老態龍鍾行步遲
契濶青山勞夢想拋離紅友冷詩脾
一編排遣惟書好百事思量獨睡宜
今日樂春花秋月且隨時

甲寅

瞻禮汪錢二王祠敬成一律

保障東南有二王歸唐歸宋說錢汪獨全民命離湯火能識
天心罷斧斯史傳略詳雖有闕湖山祠祀並升香兩家福報
雲初盛吳越千秋愛不忘錢氏事詳正史世家及吳越備史
而新舊唐書無汪傳汪廟在吳山
七賢山錢祠
在湧金門外

謝滋伯惠山豬肉

河魚負疾困頻年百藥功輸一瓊肩
春陌看花腰腳健屠門

得肉悶愁獨不妨樊噲粗材鄙自愛雍巫異味鮮讓我老

君莫笑沈郎瘦腹已便便

坡公詩沈郎清瘦不勝衣邊老便便帶十圍

泛舟杉墩訪蓮衣上人雙樹行庵和蓮公韻

但得藏身願學蝸問津況有武陵花小橋平野雄山路

大雄山在

庵後高樹疎籬古佛家拔菜僧園真有味買魚溪父不須賒最

佳水抱峰環處待補軒窗拓翠紗

又和倒押前韻

春浦波紋漾綠紗到來川路未云賒門前流水一雙樹村裏
農人數十家窗岫臥看螺子黛庭籬閒補鼠姑花行庵題就
焦廬榜從此禪關縮似蝸

暮春出郭

怪情未肯駐曦陽雨後煙嵐繞郭蒼蠶豆花肥菜花瘦女桑

條短柳條長
墻間陌上
復與競野老
山農春市忙
分付雲陰
吹散早關情
花事在湖莊

春日西山口號

青山啼徧杜鵑紅
萬綠陰中點染工
更有野花交五色
不知名字豔叢叢

千畝淇園迸竹鞭
百羣市擔破朝煙
山鄉筍賤家家飽
盡說今年是大年

茶味清芬試雨前
蘭苕翡翠色相鮮
午潮山下香盈路
阻雨茶爨不到田

清絕啼聲五夜禽
曉來百種鴈鶩音
山家笑說蠶時節
客鳥爭來選茂林

行過岑山古社邊
廣長溪舌碓輪旋
安能結個_魚蓴在
高枕

清流漱玉泉

昨宵枕上雨潺潺山礪飛流百道蟠
澗板橋頭桐塢路浪花噴雪響鳴灘

龍門嶺上登千盤擁入青雲竹萬竿
舊翠新青煙雨足巢構塢裏等閒看

輓湯雨生都督

貽汾

殉節金陵

都督致仕居金陵咸豐三年賊陷金陵投水死

翰墨兼三絕忠貞續一門雖當身已隱
不與賊俱存一死隆山嶽千篇錄輓言
西湖詩夢繫靈降有旗翻

六十年前事旌忠海外傳兩番家室破
三世髮膚捐玉樹芳

庭在枯蘭幼子憐燼餘遺著拾彖硯繼前編

公大父釋堃先生爲鳳山令乾隆

五十一年殉林爽文之難公父亦同殉公歿時
幼子襁負出避難亦天亡歟硯瑣談海堂公所著

金子翰攜示去年歲除在桐江見懷一律次韻奉和

老病衰頹不似常河魚疾怕索枯腸羨君江上尋詩境得友
壺中任醉鄉安樂年華前度惜亂離滋味近來嘗清游倘負
佳光景笑殺花溪黃四孃

原作

金城

寄書未礙道家常淒楚還防易繞腸年老君惟書作伴居
閒我以醉爲鄉梅梢花放宜瓶供菜把香多就寺嘗記得
追隨湖上路訪吟禪勝載歌孃

連年借文于小除
日集靈芝寺餞歲

題滋伯孃臂吟詩集

杜陵詩境界老去更精神觸目兵戈擾傷心疾苦呻百篇歌
磊落一卷寄悲辛有感斯文係非徒嘯頌人

詞韻瓊簫寫詩壇鐵壘摩榮花皆語妙束筍實才多莫笑癡
馮婦誰如老伏波從今驢背上應費錦囊馱

秋初曉泛湖上遠孤山翹院觀荷至延青水榭作

凌晨湖水香花葉泣青白一棹破萍花盪漾明鏡出輕颺冷
然來披襟爽氣挹隔湖高柳上迎曦嚙蟬翼曲院遠荷塘鮮
新照初日不知炎熱苦清芬鼻觀徹

晚秋偕滋伯綱士西谿看蘆花余與綱士宿交蘆庵復
泛月蘆中分韻得交字

久晴秋字淨未礙輕雲翳清游趁佳辰月華霞綺交小艇人
兩三溪上尋僧巢白波滿河沿丹林絢霜郊時艱幸歲樂處
處枷板敲到門礙跬步堆穀充堂坳櫂入蒼蒼運玉幹垂銀
苞萬頃雪有聲蕭瑟搖寒梢彈指樓不現屋改重編茅寂寥
衰颯感過眼如漚泡秋雪庵樓地彈指樓間扁尚存樂意愛濠梁民物同與
胞精築奉馨祀遺澤傳舟鮫慕鶴鳴先生宰錢唐時與嚴譚公頴亭香梓葺放生池建三庵

歲久事廢道光時潘功甫趙雪門項梅侶邵
魚竹諸君復興之奉祀墓嚴三公於護生庵徘徊夕陽下烟

水光混淆暮歸憩齋舫一飽甘山肴重披舊圖卷詩律諧絕

匏舉葉與交蘆法藏宗旨包墨妙鎮名藍楚弓慎守教月上

重撥棹燒葉拳葦莢上下亘一白鱗雲揚翠旂盪漾深潭珠

鏡裏雙娥媼廣寒清虛境恨少吹笙策對影且爛醉大白傾

瓠脰堪傲西齋子歸聽雞鳴膠滋伯薄暮先歸酒罄轉船去沾袂草

露捐溪樓狎鷗夢臥想何曾拋願作蘆中人免貽猿鶴嘲

蘆庵早起次壁間秦小峴先生詩韻

霜天蕭寺靜清曉少鳴禽零落梅花樹彎環桑葉陰庵隣藏

曲水梵隱聚旃林舉葉拈花喻同參清淨心曲水庵在蘆庵旁拈花舉葉得

清淨庵文達公楹語

登秦亭山用前韻

振筇秦亭岡幽谷喧晨禽北眺萬井密西蔽崇山陰輕風澹
秋陽清谿豔霜林江海忽曠快高臺寄遐心

南隣榆樹漸茂可復舊觀喜疊丁未年韻祝之

樓頭喜見翠陰多對我庭垣映碧蘿風柳疎條何淡宕星榆
老榦尙婆娑旁枝小鳥欣堪託嘉樹朝陽耀自他昔日富階
蘭玉秀何時重覩舊雙柯

以杏葉贈小垞洗目承以詩見報次韻奉答

廬山仙樹長靈芽傳得良方董奉家異用綠桑霜後葉同功
黃菊火前茶但留半面觀書眼休問三春及第花撥霧如君
還未老洗開明月淨無沙

余左目已障賴右目爲用
此方與菊茶方之效也

冬日汎湖至丁家山下

幽境六橋裏兩峰之外障孤山一覽盡此乃兼奧曠慨我年

少時尋幽未來訪而今憑眺處都被榛蕪葬披荆拾苔級芒
刺黏衣上玲瓏青石屏籠鎖黃茅嶂誰攜玉軫彈山有石屏
焉景名曰

行入蟠嶺過金廷尉同年墓道

少年飛蓋逐長安垂老湖山共結歡倦羽知還時未晚修文

急召宴初闌

君則甲生辰與客
安罷歸家暴亡

術高猗頓吾儕愧死作閻羅

浩劫歎

君未歿之前曾言夢至冥曹有將
召爲冥官督造災劫簿錄之語

惆悵幽靈來往處

墓門草滿嶺雲蟠

南屏謁明張忠烈公墓

大節休將運數論要憑一柱轉乾坤圖功似較文山易

拔神碑

其時閩浙蘇松京口金陵儀徵江浦安慶太平甯國徽州池
州和州滁州九江都陽皆公聲威所至并有可以號召江楚
之語同志嗟無閭部存慷慨弔羊歌古曲呼號猿狖殉幽魂

載碑

公商變猿以候動靜爲備伺公者以夜半暗中登山貌公送
至杭有防守卒史丙者坐公船首夜唱蘇子卿牧羊曲以相
感動公披衣起曰汝亦有心人岳于雙墓爲隣伍正氣西湖
吾志已定爾無慮也扣舷和之

鼎足尊

雲泉得山舟學士壽星竹杖用坡公鐵拄杖韻賦之和
綱士

曾侍蓬萊百歲仙古衣冠側憶當年壽星不礙扶身瘦小友
相憐抱節堅喜得登山臨水伴未應閉戶抱書眠繩牀落手
茫然處近日新參直指禪學士銘曰瘦而皺宜壽耆抱節君
吾小友君近耽禪悅故未句及之

題大漠行旅圖

大漠霜寒塞草乾征人千里幾時還胡兒下騎敲煙火辛苦
明駝也暫閒

十二月十八立春日聞楊齋姪擢補侍御詩以志喜

寒極春陽至家窮泰運來十年枯鮒輒三轉上烏臺官補前

人闕

先大夫與伯叔皆未歷此官

時需救世才朝班尊諫議何以効涓埃

前以晉永和十一年二十八宿并軌研贈沈範廬同年

清

許以張南華畫幀爲答久而不酬蓋意未罄耶爰仿

加璧易田故事更賸一研並用坡公與王晉卿以石易

畫詩韻促之

古壁三千年

永和十一年乙卯距今咸豐乙卯凡二十五度乙卯歲將三千年矣

星炤井眉綠

蘭亭觴詠後造此藏巖足割來一片雲斗墨飲滿腹面開鏡

彩圓旁現冰紋燧列宿羅心胸良田受耕牧琳腴等尺璧詞

源倒百瀨品題有三賢筆花刷秋玉

研背鵝吳康甫贈蓮衣上人詩有筆花開到永

和年之句側鵝晉壁二字皆釋六舟所刻

知已欣邂逅劍氣不敢伏願效蘇王事

佳話諸吉卜贈石例易畫所欲各逐逐胡金玉爾音遐心闕

空谷君未饜所求吾能割其欲易田再加璧春秋書法曲日窮歲終時催通須火速

小除日偕滋伯綱士韻梅湖上餞歲用坡公詩韻

前日山今日湖老年卒歲一事無杖頭三百換一斗提壺早有春鳥呼況居樂土樂爾琴含哺鼓腹恣遨娛春來十日睡山醒朝煙暮靄光縈紆局促自伏蓬蒿廬車馬弗喧影太孤舊侶相邀載酒去雜攜皋脯與筍蒲煙波問答狎釣夫詠觴暢叙晨至哺一枝招我巢居逕萬事從他博局圖詞壇三子勇買餘牛腰幾卷高還還催詩我怕追逃逋陳言累句聊規

琴

除日甲子喜晴

難得秋冬半歲晴登臨唱和並揀羸昨宵深慮船行市

諺云春雨

甲子乘今日欣看樹挂鉦爆竹聲中消霧障屠蘇香裏綻梅
英醉中不覺流年換翠管鈿車又滿城

乙卯

壽陳詡庵七十

詩人著作已千秋況又稀年人壽優同里才名朱郭後

謂鐵門頌

伽朗吟游歷越吳陬各存真面鍾磔品

君近著詩話大旨謂學詩從古大家出而

須有各人真面在

自寫清襟平子愁交遍西泠詞社侶酒痕多半是

杭州

與君同步早春天長我遐齡又四年

余生日與君同爭仰光而小予君四歲

芒文陣師不持柳栗地行仙老須霄壤留佳句身與湖山有

宿緣跛眇自慚蒲柳質康彊那不羨喬仝

余年少予君而日已盲登臨必

杖

首夏偕滋伯綱士游西谿訪一如開士於交蘆庵滋伯
先歸余與綱士留宿夜話禪房時一公病愈後也

遶屋青梅子滿枝濃陰照水綠差差春溪已緩芳辰糴秋雪
重題舊日詞難繫仲先宵去艇喜逢支遁病蠲時羨君有託
蘆中任恨未傾談倒百卮

西溪返棹

夜靜謠禪久朝涼鼓枻輕綠波溪水澗紅日艣枝明暑路遊
雖懶扁舟酒亦盈相期銷夏去山指大雄橫

東軒

東軒屋數間容膝且圖安露少花枯易牆高月上難叢攢巢
燕處寒濕洞蝸盤一任妻孥笑連牀萬卷攤

酥藕和雲泉

也如煮栗與蒸梨老齒欣然嚼作泥細孔盡藏紅稻粒舊根
還憶白蘋溪比他雪粉存真面抗食品有白蓮藕粉蘸以香飴勝淡齋
最喜新涼喧曉市橋頭巷口小棚低

原作

方騰

堆盤片片膩鵝肪入口如飴美軟嘗填孔飯抄雲子熟凝
脂香繞紫絲長綠荷葉嫩包蔬食黃篋逢低賣曉涼品潔
價廉宜老齒太常齋忌亦何妨

讀汪靜芳夫人集
佇月軒詩詞遺稿題後

東軒社老舊詩豪伯仲埤篲壓我曹

擢弟小米又村立東軒吟社刻有浦尊集更

倚女嬃蘿附密

余孫女爲夫人孫婦

不知道韞絮才高涼琴遺響驚流

水舊雨清尊感宿蒿補錄詞編黃絹句花間雅奏播雲璈

未中

黃氏選

國朝續詞綜已于清尊集錄二首今讀全稿並補鈔賒之

許訛岑中丞

乃劍

奉公返里夏日同遊南屏因繪明湖

圖以寄意屬爲題句爰憶三十年前偕君與玉年舊遊

不勝感愴卽用甲申秋玉年紀游詩韻題之

昔歲明湖遊鷗鷺狎清泚松閣連牀眠詩墨猶在紙螺軒翦
燭話嘲謔猶在耳忽忽三十年雲鳥覩飛止官了身亦了河

山隔迤邐生別成死別慟哭薦羞醴逝者宿墓草存者衰杖

履風燈過須臾雲樣變尺咫豈惟人琴亡且有神鬼使

玉年
歿後

任爲教煌
城隍之說

朋歡既夢中世變又愁裏君家不可當

君家兄弟
不可當林

文忠語玉
年之言也

兄弟更繼起時逢濟川艱心亦倦翮委偶作大鵬

息歸舟漾迢遞久別舊湖山驚奇見眼底故人嗟晨星前照

指白水但得泉石棲一任風雲詭觀此明湖圖念彼玉岑子

築茆南山南有願事竟已

玉年嘗指理安清涼亭側地示余
曰吾買此數弓爲他日歸隱處

望君早歸來枕流共耳洗

南隣榆樹伐後漸茂而老楊今歲竟枯不復生
穉余庭階雙樹之望未遂今樹乃如此人其何堪再疊丁未年韻

當年雙樹綠陰多遭斧欣然又補蘿天上榆星仍的皪漢南柳意又婆娑穉華枯樹今休矣消長孤根一任他對此那禁搖落恨移巢別汝擇新柯

六月十四夜偕澹巖滋伯綱士韻梅湖上泛月夜半宿橫翠樓聽雨

絕無絲竹管絃聲不見漁竿畫舫行幾箇平隄人影獨一輪大地水波明喧逢雨到層樓聽香愛荷翻小艇橫有客雄談驚四座未妨鷗夢此宵清

澹巖詩江
淮近事

和作

魏謙升

看雨開門月有聲
擎舟更向裏湖行
微風柳下秋先至
殘夜樓前水自明
如海蒲蓮香自在
滿庭竹柏影交橫
與君兩度聯牀宿
深省晨鐘夢亦清

樓側爲蓮池庵

楊錦雲

滿湖黑浪走風聲
雨過平隄曳履行
法曲霓裳聽綽約
曉妝山黛見分明
把盃邀月燈休上
話舊連牀斗易橫
爲問銷魂詩酒客
謝頴豔游何似此游清

厚兒謀出山計
赴秦中寄書吳仲雲
中丞書後附一律
有田不隱坡公誓
謀仕因貧孟子言
啜菽也須營豆圃
買山方可住桃源
折腰斗粟求餬口
溷跡閒官異觸藩
欲免馮驩彈鋏歎
銷寒欣託大裘溫

題陸秋濤解溪歸釣圖

蓑笠寒江慣釣蓬，鰲頭赤腳挂魚籠。
大魚曾得小孫喜，雙手捧來隨阿翁。

我亦煙波舊釣徒，幾篇漁唱在西湖。
何時香水溪邊去，細雨桃花酒共沽。

附錄

元和陸 珊佩珣

釣船初艤綠楊村，網得銀鱗付阿孫。
老母倚門歸去早，烹魚煮酒樂黃昏。

漁兄漁弟久分離，青鬢朱顏忽老翁。
何日循陔偕捧鱸，扁舟欣泛五湖中。

九月十九日陸渌飲

爾繩

招同鄉士集十三間樓遲滋

伯不至飯後同訪小槐移新築和渌飲韻

兩地皆在湖塘

衰牖每易隔交親濟勝還資散誕身不速城南來酒客相思
郭北阻詩人莊嚴古院心歡喜香潔伊蒲會率真新起畫樓
臨水好快哉招我眺湖濱

原作

陸爾繩

賓朋離久倍情親垂暮應憐病後身佳約兩逢重九日

九初

敘先一同游又得四三人交聯方外形骸略情到忘懷笑語
真有約不來輸魏野紀游三度到湖濱

春秋屬辭辨例編刊成漫題

炎夏紗幮冬燭檠消磨半世卅年更斷評古獄真多事漫對
前儒說集成

千秋萬歲待傳誰豈若高歌飲酒爲

用梁蕭恭簡語

萬卷好書皆束

閣專門誤徑悔何追

感舊詩

并引

數十年來看尊朋舊逝者多矣其情深誼摯者不能忘也繫懷感舊輒系以詩

丁秋溪師

桂洲無錫人嘉慶庚申副車

著靴經帷侍巖巖道義型當年愁梗楚畢世感陶硯古貌離

人立懸河執卷聽梁溪舟過處悵惘子雲亭

余九齡受業背誦經書全部自

首至末師執夏楚在手謨一字即一擊所授之經久而不忘師之力也

汪賓溪師

世棹秀水人嘉慶丁卯舉人官武進令

疊疊汪夫子追懷善誘循四年親丈席百里屈才人弄翰皆

珍墨歸田已病身佳兒陽又天遺著竟沈淪

嗣君子黃孝孺亦不承年

蔣礪堂師

攸鉅寶平漢軍人乾隆甲辰翰林官至大學士

小草階前植春風座上逢帶裝輕緩度海嶽負涵煦父執蘭

同臬師門葛附松甦託悲鶴羽孤負擔簦從師庚午監臨
其後弟應濟又與嗣君爲僚壻

董篠楮師

佳賦乙丑翰林官編修婺源人嘉慶

過眼知方叔逢人惜項斯曲鉞花樣誤朽木斧斤施一第功

名小千秋學業期祇慙孤陋質愧侍五經師師辛未分枝禮

傳觀閣中主司以四書文專主易義斥之師惋惜深至爲余代刊經藝五篇

魏春松師

成憲仁和人乾隆甲辰進士官御史覓沂曹濟道

工部吟篇草揚州官閣花清才斷獄吏素望讀書家侍鯉邀

青眼登龍憶絳紗悔余詩未學追悵斗山遐師齋額曰讀書人家

宗聖語也余從學舉業悔未學詩

姚鏡塘師

學域丙辰進士官兵部歸安人嘉慶

貌古千年木胸清一片冰卽官蓬華士旅邸鶴雲僧制行銅

剛粹觀心鏡明澄客游嘗問字香辦獨懷曾

戴簡恪公文

敦元 開化人乾隆庚戌進士官至刑部尚書

侍坐年家舊論文文席親十行馳一目百藝掃千人明敏臯

蘇政蕭疎嵇阮倫天才關慧業遺集仰音塵

石琢堂丈

韞玉 吳縣人乾隆庚戌翰林修撰官山東按察使

先子看花日驂從領袖仙蓬萊同詠躡葭樹更依緣人海藏

身早明湖養素便冰清悲玉折伯也賴文傳

先公與丈同榜同館先兄同甫

爲公增早天公爲撰小傳

韓三橋外舅

諱文綺 仁和人乾隆癸丑進士官至都察院副都御史

愧說羲之坦欣依彥輔清刑官人號佛牧伯更躋鄉弱病蒙

深惜功名恥不成山頽悲世換我亦鬢霜驚

公有韓佛之爵山中丞入爲總

憲

伯父廉訪公

韓彭號鄂樓乾隆丙午順天舉人官至山東按察使

猶子真如子贈依五十年負螟雖改諾翼燕總承憐堂構賢
難肖箕裘世有傳慈雲懷一片慟絕早生天公初無子欲以弟震前說乃已
壽止五十七

兄同甫公

諱應鼎安東膳生

歸

雁行皆羽翮幼侶更歡呼共讀曾燈火多材况楷模清華金
殿語倜儻竹林徒痛赴修文早伸眉幸有孤公美材早世子興仁辛丑進士
翰林今官侍御太守

林文忠公制府

則能侯官人嘉慶辛未翰林官至雲貴總督

無雙才識學諸葛大名垂誠意憂軍國深情篤友師聲威夷
寇鷖恩澤婦嬰知可惜元戎出星沈梁木菱公引疾歸後與

征之賊懼將散乃在
遠處賊遂大肆矣

梁蒞林中丞

章鉅長樂人嘉慶壬戌進士官至江蘇巡撫

節堂池樹古幾度舊游尋前後瞻開府東南慶盍簪等身宏

著作歸老樂山林子舍安輿就淒聞薤露吟

公與蔡文忠公穆先大夫惻然

節署清德堂余屢游焉公致仕後就養嗣君來浙歿于溫州官舍

李蘭卿觀察

彥章侯官人嘉慶辛未進士官至常鎮通海道

昔日閩三傑先亡李謫仙文人全慧業詩卷富華年勝景紅

橋補清游翠蓋聯揚州何遜筆驂鶴去悠然

先大夫刪林文忠梁蒞林與君

爲閩中三傑君在邗江修葺小秦淮勝境續前人雅集

石敦夫太守

同福興縣人琢堂先生子由浙江知縣仕至廣西梧州知府

著作宜簪筆風塵耐折腰滿栽花縣樹閒教玉人簫身臥滄

江晚詞追南宋遙未傳黃絹稿陶徑太淒寥

許藕舲庶子

乃廣仁和人嘉慶丁丑翰林官至詹事府右庶子

嚴君稱水鏡早識玉堂人晚達蓬萊吏孤棲旅宦身文如橫
錦榮交似飲醪醇未補笙篴什投簪遽出塵先公於君未達
決之君乞養假
旋未終養而歿

陸圓泖丈

淳熙
郡貢生 杭

磊落天隨叟松喬附薦蘿雪髯秋月舫錦句晚春坡書畫收
珊瑚壺樽卷白波堪嗟冰玉侶薤露竟同歌余子與廉爲長
兄先亡訖今與
丈亦先後逝

陳訥庵

明經

來泰
江人

詞伯真窮士詩深境愈屯有兒頑不慧彈鋏老依人襟上杭
州酒風前郭子巾壽松遺稿在傳世莫沈湮君有壽松堂
詩詞未刻

楊雲士

學博

文孫
海甯人

卅年交恨晚才調說盈川吳越文章播公卿幣帛延移家頻

權訪隔月必書傳衣帶解溪水重來意惘然

君以就幕遷居吳會詩門

胡琴泉明經

襄和人 仁

結隣數晨夕相對鬢皤然雄辨同焦遂排紛是魯連古緣欣賞共談味俗塵捐寂寞蓬蒿徑今誰共一壘

君與余同巷居

陳芝楣

觀察

桐生

錢唐人嘉慶與午優貢官雲南迤西道

孟公風度美千頃納心胸馥郁如蘭味溫醇比玉容壯游官萬里久別話重逢已賦淵明句歸魂悵客蹤

君引疾歸田未抵里而歿

吳小穀

太守

清阜

錢唐人嘉慶癸酉舉人官至江西南昌知府

君爲名父子素望鳳聲清舊侶同巢燕喬柯出谷鶯病貽吾藥石才讓爾簪纓將遂歸田志如何負耦耕

君將歸隱而歿于途

許玉年大令

乃穀

道光辛巳舉人官敦煌令

荀氏羣龍盛吾尤愛玉岑豈惟書畫筆不朽藝文林理縣農

桑譜臨民父母心
歿猶明德祀西土永懷音
君別號玉岑子
教民耕織開墾水利
歿于官有爲神之說

朱彥甫

中翰

俊

休甯人嘉慶己卯舉人官內閣中書

陶月撻雲

皆君樓名

家

地名園樓外樓

皆在湖上別墅與撻雲樓

湖山供

几席觴詠愿春

秋客愛酒如游心能睡似鷗
有室名如何雲

水福三載願難

酬

詳前

家同莊

大令

珍泉
未進士官山西猗氏令

垂髫同舞勺兄

弟泮宮游攜袂風簷晷聯鑣日下騶雕龍騰

爾譽斷雁爲余

愁
先兄同甫公與君深契

惆悵休官去餞驅老故疇

汪小米

中翰

遠孫
嘉慶丙子舉人內閣中書

東軒吟社主文

雅愛縱橫詩酒聯羣彥圖書擁百城披懷傾

叔度談藝聽鍾

噪水北樓前過花潭念故情

夏松如

茂才

之盛 唐生 錢

子夏才難敵終

朝擁鼻吟

吳仲昀詩吾愛子夏子終朝吟擁鼻吾愛子張子終歲無一字謂松

如與百篇忘食

味七步吐韶音風雅神仙眷天真浩蕩襟異

鄉悲客死遺集

感人琴

君以夷警避居新 安卿中歿于客旅

周澹巖

文學

秦 錢

冬青小書屋秋水舊池堂格古闕清秘論交出肺腸奇花懷

雅集淒魄痛殊

鄉招隱今誰伴盈盈老淚傷

君家秋水堂前 輩詩社也冬青

書屋君齋名也

君精鑒古所蓄書畫文玩皆世所希有又善 瓶花蓄異種盆 梅別物圖譜書屋爲雅集勝地偶游還川竟

客死與余有五 湖泛宅之約

高伯蓀

中翰

學沅 仁和人道光 丁酉舉人內閣中書

高子鑒詩勇疏寮談讌頻羣書觀卓犖百藝闢紛綸才是撥

頌吏閒爲棲遯身籌兵安里閭勞瘁惜斯人

小疏寮君齋名 君司浙臨防事

題倩影樓詩詞燼餘橐

蘭陵女史陸芷仙夫人著

柳絮才高入謝庭鳳鸞歌吹卜和鳴如何飲露餐霞筆都作
愁風怨雨聲

不數蘇家織錦人詩豪墨妙更鍼神清才薄命嗟磨蝎一卷
焚餘倍惜珍

南山觀打魚歌

武林繞郭千池蕩春來百萬魚苗養以時塵市列鱸鼈終歲
溪河施罟網城開曉擔貫魚來夜深船火明星盪家家驚釜
不空閒瓊鯢鮓難育長取魚冬月更驚着依沼爲網百丈
寬一池一網大函蓋如九天雲垂漫漫一蕩百人大合掩如
長楊獵圍團團彌天絡地萬魚急白日慘澹霜風寒始也歐
魚一隅避撒網沈入深潭際桂餌拋來唼喋聲翠綸罩就清

冷地月明人去羣魚出依然蘋藻東西戲豈知早納阮阱中
更無偷活逋逃計平明漁子集陂池乃以衆手擎千絲池魚
驚跳出水立散爲片片銀花飛大魚奮踊難脫絆開口吐濕
蜷尾鬐小魚戢戢或有漏竭流叉擱何曾遺我來濠上驚且
歎崇朝萬命消厨爨盡物應非孔子心烹鮮誰輟馮諼案能
以此術行三軍聚而殲賊賊焉竄當武不武慈不慈貪殘與
物徒爲難